

I ofizi de comun resta stluc en vëndres, ai 31 de dezëmbër, y ince en vëndres, ai 07 de jená.

L'implant de reziclaje Alfur é davert en vëndres ai 31 de dezëmbër, dales 8.00 ales 12.00, impede en Nanü

## PLOANIES SAN MARTIN Y LUNGIARÜ

Por podëi ti fá tla plata dla cöra les audanzas a chi che complësc tl 2022 80 agn, é ëi instësc o sü familiars dër bel peria da ti comuniché l'inom y le de ch'ai é nasciüs, por telefon 0474 523 194 o 348 27 44 517 o por e-mail [anton.gasser@rolmail.net](mailto:anton.gasser@rolmail.net) cina ai 29 de dezëmbër.

### SAN MARTIN

En Nanü é la poscibilité da tó pert ala Gran Mëssa ince tl salf dl Istitut Ladin (40 posc), cun le greenpass.

Can ch'i vá te dlijia...

... ciafi la plaza dant desaparada, la porta daverta, la dlijia scialdada y bela nêta, informida sö cun ciüfs o injins aladô dla festa tl cêrtl dl ann, les ciampanes chërda adalerch, la plata dla cöra dan man, la corona vëgn dita dant, siur Heinrich dij mëssa cun sü sorvidus, leturies y leturs lí la parora de Dî, l'orghe sona y al cianta le cor, chi che dëida partí fora la comuniun, incër alté é döt arjigné ca dal mëte man cina ala benedisciun. La cortina incëria rencurada y bela – la cherta da vijita de nosc paisc.

La funziun/mëssa me sá bela, ara me dëida inant, al é da sté saurí ... i me feji mi pinsiers y – de cör – me vëgnel da dí n gran dilan a dotes y a düc ...

### LUNGIARÜ

N gran dilan a dotes les porsones y uniuns che á a val' maniera daidé pro a n bun funzionamënt de döt ci che á da nen fá cun la dlijia, la cortina y la calonia. Al é n gröm de sorvisc che vëgn fac ann por ann da n gröm de porsones y uniuns cun lezitënza, continuité y zënza de gragn sciosciüri.

Dilan dles ofertes che è gnüdes fates y a düc i benefaturs cis a chë porsona che á finanzié le cost da curí la sënta dles proches.

Por chësc oressun ti dí a DÜC, zënza ne stlüje fora degügn, n dilan sintí, che ldí ves al retes!

*Le consëi de cöra cun siur Heinrich y siur Klaus*

La Uniun di Stödafüch da Lungiarü mët i calëndri por l'ann 2022 cun l'audanza de n Bun Ann Nü indô jö apé de dlijia y prëia dër bel do na spëhora da daidé curí les spëises de so sorvisc - Dër bel dilan!

-----

La Ciasa de Palsa á daurí danü la bandida por n/na diretor/ia. Al é gnü arbassé n pü' i criters de azes ala inciaria. Por tó pert ala seleziun ciarede [www.ciasadepalsa.it](http://www.ciasadepalsa.it). La domanda é da dé jö cina ai 04 de forá 2022 dales 12.00. Info: 0474 524 783.



## Plata dles Ploanies San Martin y Lungiarü

ploan siur Klaus Sottas 344 15 54 055 - [klstottas@rolmail.net](mailto:klstottas@rolmail.net)  
curat siur Heinrich Perathoner 339 65 74 213  
[redaziun.anton.gasser@rolmail.net](mailto:redaziun.anton.gasser@rolmail.net) - 348 27 44 517 / 0474 523 194



[www.valbadiaonline.it/comunite](http://www.valbadiaonline.it/comunite)

**26.12. - 02.01.22 nr. 5**

ultimo termo por comunicaziuns: jöbia, dales 20.00

## DOMËNIA DLA SANTA FAMILIA - C

### Vangele do Lüca 2,41-52

Canche i santus ê passà, s'ài indô metü sön tru da jì a ciasa. Le möt Gejù indere ê romagnü a Ierusalem zënza che i geniturs s'un ess intenü.

Ai minâ ch'al foss inzai pro i peregrins y â fat n iade de n dé; spo l'ài chirì danter i parënc y conescënc. Mo canch'ai ne le ciafâ nia, ési indô jüs a Ierusalem a le chirì dailò. Do trëi dis l'ài ciafê tl tēmpl; al ê sentè amesa i maestri ite, ti ascutâ pro y fajô domandes. Düc chi che l'aldí se fajô demorvëia por süa inteliënza y por sües respostes. Canche sü geniturs l'â odü, s'ài fat dër demorvëia, y süa uma ti à dit:

Möt, cô podôste pa nes fá chësc?

To pere y iö t'un chirì plëgns de pôra.

Y ël ti à dit: Ciodî m'ëise pa chirì,

ne savôse nia ch'i mëssi me dè jö

cun ci che é de mi Pere?



### Co podôste pa nes fá chësc?

*Le fi / la fia vá por sü trus, magari ince por trus falá, y i geniturs se stá ert.*

*"I un porvë y fat dles dotes da i trá sö indertöra y i ên chiló por ëi."*

*Spo dij le jonn o la jona: "Ci stëise pa a se cruziê? Os sëis pa ma ince piá ia!"*

*"I mëssi me dé jö cun ci che é de mi Pere" dij Gejù*

*y le tēmpl n'ê propi nia le post olache sü jeniturs l'ess ion odü.*

*Ester bugn da lascé jí é le gran compit de Ojöp y Maria y ince nosc compit.*

*Ti dé lerch ai mituns y azeté ch'ai se destaca ince datrai te manires che fej mé,*

*y lapró speré y perié ch'ai ciafes n post pro Chël Bel Dî,*

*n post olach'ai vëgn aprijá y jënt se fej demorvëia de sües cualités.*

*Ince sciöche Dlijia messunse cherié de te' posc olache les families impara*

*da conëscë la personalité y les facultés de sü mituns.*

*Spo gnarái stramudá indô te so "Nazaret" - y magari gnarál val' de gran d'infora.*

*De tan de fidënza te Chël Bel Dî unse debojegn.*

*Image*

| EDEMA                                                        | SAN MARTIN                                                                                                                                                                                                                                           | LUNGIARÜ                                                                                               | NANÜ - FESTA DLA UMA DE DÎ                                                                                                                                                                                                                                                                                                                                                                                                                                                                                                                            |  |
|--------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--|
| 26.12.21 Domënia<br>SANTA FAMILIA<br>San Stefo, pröm mártire | 9.00 Corona<br>9.30 Gran Messa por la comunité<br>por familia Otto Schanung<br>de rengr.. fam. Alfred y Carla Verginer<br>3ª de sopoltöra de Hermann Burkia<br>+ Vanzì Giovanni (dl ann)<br>+ + Sciandro y Loise Dasser, Alfur<br>Benedisciun dl vin | 7.50 Corona<br>8.15 Gran Mëssa por la comunité<br>dl ann + Anastasia Schanung<br>dl ann + Angela Clara | <div></div> <div>"Maria deperpo se tignî<br/>dötes chëstes cosses y les<br/>meditâ te so cör" , stâl tl<br/>vangele. Cun coraje y<br/>ardimënt y cun<br/>l'assicuraziun tl cör<br/>"No te temëi!" él plü<br/>saurí da jí tla vita,<br/>tambëgn por na uma jona o por n pere jonn<br/>dan da 2000 agn, co por nos incö da mëte man<br/>chësc ann nü.<br/>Porchël ói me tó cun me tl cör "No te temëi!"<br/>che Idî nes dij tres indô danü tla Sacra Scritöra.</div> |  |
| 27.12.21<br>Lönesc San Jan apostul y vang.                   |                                                                                                                                                                                                                                                      |                                                                                                        |                                                                                                                                                                                                                                                                                                                                                                                                                                                                                                                                                       |  |
| 28.12.21<br>Dedolönesc<br>Mituns Inozënc - De Fantú          | 19.00 Mëssa<br>en onú de Sant Ojöp por düc i proi<br>+ Hermann Burkia (dla Uniun)                                                                                                                                                                    |                                                                                                        |                                                                                                                                                                                                                                                                                                                                                                                                                                                                                                                                                       |  |
| 29.12.21<br>Dedemesaledema<br>Davide, Tomesc Becket, Tamar   |                                                                                                                                                                                                                                                      | 19.00 Mëssa /Rorate<br>+ Vito Clara, Somví<br>+ + de Albina Mischi, Pecëi                              |                                                                                                                                                                                                                                                                                                                                                                                                                                                                                                                                                       |  |
| 30.12.21<br>Jöbia<br>Felize, Richard                         | 7.30 Mëssa<br>+ Mariangel Tavella<br>+ + Edith y Paul Prousch<br>Corona por Vocaziuns                                                                                                                                                                |                                                                                                        |                                                                                                                                                                                                                                                                                                                                                                                                                                                                                                                                                       |  |
| 31.12.21<br>Vëndres<br>Silvester, Melanie, Alan              | 19.30 Mëssa de rengr. dla fin dl ann<br>dl ann + Perpetua Valentini Rubatscher                                                                                                                                                                       | 18.00 Mëssa de rengr. dla fin dl ann<br>+ Carlo Planatscher<br>+ + da Mazchel, Daporta                 |                                                                                                                                                                                                                                                                                                                                                                                                                                                                                                                                                       |  |
| 01.01.22<br>NANÜ- UMA DE DÎ<br>De Mondial dla Pesc           | 9.30 Corona (cun siur Klaus)<br>10.00 Gran Messa por la Comunité<br>en onur dla Uma de Dî<br>40 posc tl salf dl Istitut Ladin                                                                                                                        | 8.15 Gran Mëssa por la Comunité<br>en onur dla Uma de Dî (cun siur Klaus)                              |                                                                                                                                                                                                                                                                                                                                                                                                                                                                                                                                                       |  |
| 02.01.22<br>2ª DOMËNIA DO NADÉ                               | 9.00 Corona por vocaziuns<br>9.30 Gran Messa por la comunité<br>+ Albert Conrater (dl ann)<br>+ siur Heinrich Videsott<br>+ + Angela y Maria Prousch                                                                                                 | 7.50 Corona<br>8.15 Gran Mëssa por la comunité                                                         | <div><div>2<br/>0<br/>2<br/>2</div><div></div></div> <div>Bun de bun ann y döt le bun<br/>da üsc vijins y sü mituns.<br/>Che nosta boccia nia de mal,<br/>de bëgn incundes dlunch dadalt.<br/>Nüsc edli ligri lominusc<br/>ligrëza sternes sön üsc trus.<br/>No fistidiesse dl dagní,<br/>de os al ciares Chël Bel Dî.<br/>Bëgn döt le bun ves uns' audé.<br/>Val' de bambuna inc' a me.</div>                                                                     |  |